

Član 3.

Sredstva za obavljanje poslova vođenja prvostepenog upravnog postupka u oblasti ograničenja prava vlasnika, odnosno korisnika zemljišta iz nadležnosti Kantona, osiguravaju se u budžetu Kantona.

Član 4.

Ovaj zakon stupa na snagu osmog dana od dana objavljivanja u "Službenim novinama Tuzanskog kantona".

Bosna i Hercegovina
Federacija Bosne i Hercegovine
TUZLANSKI KANTON

Predsjednik
Skupštine Tuzlanskog kantona,
Amir Fazlić, v.r.

Skupština
Broj: 01-02-395-9/03
Tuzla, 28. 11. 2003. godine

275

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00 i 14/02), na prijedlog Vlade Tuzlanskog kantona, Skupština Tuzlanskog kantona, na sjednici od 28. 11. 2003. godine, donosi

ZAKON

O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Tuzlanskog kantona", br. 12/00 i 5/02), u članu 8. stav 1., iza riječi: "u daljem tekstu: Ministarstvo", staviti tačku a dalji tekst briše se.

Član 2.

U članu 15. stav 1. umjesto broja i procenta "15%" upisati broj i procenat "7%".

U stavu 2. istog člana umjesto broja i procenta "20%" upisati broj i procenat "12%".

Član 3.

Član 16. mijenja se i glasi:

"Stalna novčana pomoć utvrđuje se u mjesečnom iznosu u visini 15% od prosječne plate.

Korisnik pomoći koji u svom domaćinstvu ima nesposobnog člana, odnosno dijete na redovnom školovanju, ostvaruje pravo i na dodatak u visini od 30% od iznosa stalne novčane pomoći, po svakom članu."

Član 4.

U članu 22. stav 1. umjesto broja i procenta "20%" upisati broj i procenat "10%".

U stavu 2. istog člana umjesto broja i procenta "30%" upisati broj i procenat "20%".

Član 5.

Član 28. mijenja se i glasi:

"Novčanu pomoć na ime troškova dženaze - sahrane - pokopa korisnika stalne novčane pomoći, mogu ostvariti srodnici ili drugo

lice koje je obavilo dženazu - sahranu - pokop u visini 80% prosječne plate.

Za lice smješteno u ustanovu socijalne zaštite ili drugu porodicu, koje nema srodnika ili iz čije imovine nije moguće snositi troškove dženaze - sahrane - pokopa, troškove snosi u punom iznosu Ministarstvo, prema ispostavljenoj fakturi."

Član 6.

U članu 32. stav 1. mijenja se i glasi:

"Troškove smještaja i prijevoza na internatskom smještaju snose roditelji, usvojitelji ili srodnici koji su dužni da izdržavaju to lice ili drugo pravno ili fizičko lice koje je preuzelo ove obaveze".

U stavu 2. riječ "staratelja", briše se.

Stav 4. mijenja se i glasi:

"Troškove internatskog smještaja i prijevoza za djecu sa smetnjama u psihičkom i fizičkom razvoju snose mjesno nadležni centri za socijalni rad".

Iza stava 4. dodaju se novi stavovi 5. i 6. koji glase:

"Punoljetna lica smještena na internatski smještaj snose troškove smještaja srazmjerno raspoloživim mjesečnim prihodima.

Punoljetnim licima smještenim na internatski smještaj, obezbjeđuje se novčani iznos u visini od 6 % mjesečne cijene smještaja."

Član 7.

U članu 36. stav 2. mijenja se i glasi:

"Visina naknade iz stava 1. ovog člana utvrđuje se u iznosu od 60% za djecu i 50% za odrasla lica od prosječne plate."

Član 8.

U članu 92. stav 1., iza riječi: "psihičkom razvoju", dodaju se riječi: "djeci oboljeloj od celijakije, TBC, leukemije, karcinoma i šećerne bolesti".

Član 9.

U članu 95. tačka se zamjenjuje zarezom i dodaju nove riječi: "osim u slučaju kada roditelji, usvojitelj ili srodnik koji je dužan da izdržava to dijete, snosi troškove smještaja u punom iznosu".

Član 10.

U članu 99. stav 1. umjesto broja i procenta "90 %" upisati broj i procenat "60%".

Član 11.

U članu 118. stav 4. mijenja se i glasi:

"Žalba i revizija iz stava 3. ovog člana ne odlažu izvršenje rješenja."

Član 12.

Član 120. mijenja se i glasi:

"Obračun i isplatu novčanih pomoći i naknada po ovom zakonu vrši nadležni centar za socijalni rad, odnosno nadležna opštinska služba, na teret budžeta Kantona.

Povrat dječijeg dodatka i isplaćene naknade umjesto plate ženi-majci, odnosno ocu djeteta, ili usvojiocu ili staraocu u radnom odnosu za vrijeme dok odsustvuje s posla radi trudnoće, porođaja odnosno njege djeteta, vrši Ministarstvo u skladu sa rješenjem o priznavanju prava nadležnog centra za socijalni rad

